



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCXLVII. ad annum CCCCI.

Parisiis, 1644

Constantinopolitanvm Conciliabvlvm, In quo noua fidei formula promulgata, Semiariani ab Acacianis & Arianis condemnantur.

urn:nbn:de:hbz:466:1-15256

cap. 31. & 32. Athanasio de Synodis, Scuero lib. 1. Baron. anno 359. ANNO
num. 61. & seqq. CHRISTI
359.

CONSTANTINOPOLITANVM
CONCILIABVLVM,

*In quo noua fidei formula promulgata, Semiariani ab Acacianis
& Arianis condemnantur.*

NOTA.

Locus &
tempus Cō-
ciliabuli.

Numerus
episcopo-
rum.
Semiariani
hæreseos
sue acto-
rem Aetiū
& Arianos
damnant.

^a *Constantinopolitanum Conciliabulum.*] Hæc pseudosynodus ce-
lebrata est Constantinopoli præsentē Constantio, eo tempore, quo
episcopi Arimini congregati, illic adhuc licet inuiti detinebantur:
noua enim illa fidei professio Constantinopoli scripta, teste Athana-
sio de Synodis, missa est ad eos, qui Arimini conuenerant, vt eidem
omnes vel subscriberent, vel in exilium relegarentur. Conuocati
sunt ex proxima tantum prouincia, vt tradit Socrates lib. 2. cap. 33.
episcopi Bithyniæ, numero quinquaginta. Nouam eamque nonam
a Nicæno Concilio fidei professionem ediderunt; in qua non modo
vox substantiæ, sed etiam hypostasis vel subsistentiæ impie abolita
fuit. Quam cum Semiariani detestarentur, mutua illis gratia vicif-
sim reddita, eisdem condemnarunt, sedibusque priuatos in exi-
lium ablegarunt. Vt viderentur catholici, suæ hæreseos auctorem
Aetium condemnarunt, vt scilicet, Deo id ita volente, suo ipsius
iudicio condemnati, excusationis prætextum nullum haberent.
Quod Siluanus & Eleusius Semiariani vocis consubstantialis ini-
mici, eo tempore quo Acaciana impietas inualefcebat, defensores
facti fuerint, eamque teste Theodoret. lib. 2. cap. 27. ad sui relega-
tionem vsque contra Arianos propugnauerint, prope miraculum
esse arbitramur. Tanta enim est veritas orthodoxæ fidei, vt quando-
que inimici nostri iudices sint æquissimi. Interea dum hæc ageren-
tur, Arimino alia fidei formula Constantinopolim affertur, cui
omnes episcopi etiam orientales Seleuciensis Synodi iussu Constan-
tini subscripserunt, adeo vt iidem episcopi eodem prope tempore du-
plici fidei diuersæ, Constantinopolitanæ & Ariminensi, subscripse-
rint. Harum alteram in oriente, alteram in occidente imperator ob-
seruari voluit. Hæc latius apud Socratem, Sozom. Theod. & Baron.
anno 359. num. 79. & seqq.

ANNO
CHRISTI
359.EPISTOLA SYNODICA
DE AETII DAMNATIONE
AD GEORGIUM ALEXANDRIÆ EPISCOPVM.*Sanctum Concilium Constantinopoli conuocatum domino honoratissimo episcopo Alexandriae Georgio salutem.*

QVOD Aetius ob nefaria sua scripta, eaque *σκανδαλον*, Extat apud Theod. lib. 2. cap. 28. & Bato. num. 90. id est, offendiculis referta, a Concilio condemnatus sit, in ipso certe episcopi aliud nihil, quam quod Canones ecclesiæ postulabant, effecerunt. Nam primum abdicatus est diaconatu, deinde ecclesia exclusus: postremo adhortationes adhibitæ, ne quisquam sceleratas eius legeret epistolas, sed ab omnibus propterea abiicerentur, quod inanitatis non nihil & damni complexæ sunt. His accedit, quod illi, & iis qui in eadem opinione ac sententia cum eo perseuerant, anathema denuntiamus. Atque consentaneum sane erat, ut omnes episcopi, qui in hoc Concilio conuenerant, communi consensu eum ut auctorem offendiculorum, turbarum, schismatum, tumultuosi sermonis per orbem terrarum grassantis, & mutux denique in ecclesiis seditionis, execrarentur, vnoque ore de sententia contra eum pronuntiata concordarent.

Attamen contra vota nostra, contraque omnem expectationem, Seras, Stephanus, Heliodorus, Theophilus, ac eorum socii, neque nostris sunt suffragati sententiis, neque suffragiis de eo latis subscribere voluerunt. Idque cum Seras ipse aliud etiam arrogans facinus & plenum infaniæ prædicto Aetio criminis loco obiectaret; eum nimirum temeraria audacia elatum affirmasse, Deum sibi reuelasse ea, quæ usque ab apostolorum temporibus hactenus occultauerat. Post quæ infana & insolentia verba a Sera de Aetio pro testimonio citata, illi, quos supra posuimus, ne precibus quidem adduci persuaderique poterant, ut in iudicio de illo ferendo nobis suffragarentur. Nos autem patientibus animis, eorum causa, ad prolixum temporis spatium ferre sententiam distulimus, nunc indignando, nunc adhortando, increpando interdum, aliquando obnixè orando, ut nobiscum conuenirent, con-

De Aetii damnationis causa, & sociorum.*Concil. Tom. 3.*

Cc ij

sentientemque toti Concilio sententiam pronuntiarent. Itaque expectauimus diu, si forte nos audire, si intelligere, si denique cedere vellent.

Datum tē-
pus respi-
cendi.

Verum vbi longo tēpore expectando, nullo modo eos ad nostris de Aetio sententiis obsequendum inducere poteramus; Canonem ecclesiae eorum amicitiae anteponendum arbitrati, eos a communione ecclesiae excludendos decernimus: dato illis ad sententiam mutandam, ad respiscendum, & ad alacri animo cum Concilio concordandum, consentiendumque, sex integrorum mensium spatium. Quod si intra praestitutum diem, mutato consilio, amplecterentur cum patribus concordiam, & decretis ab illis de Aetio sententiis assentirentur; tum non solum ut reciperentur in ecclesiam, verum etiam ut suam in Concilio loquendi libertatem, & mutuam nobiscum caritatem recuperarent, statuimus. Sin autem in proposito susceptoque consilio per hominum facilitatem pertinaciter manerent, & Canones ecclesiasticos contemnerent, episcopatus dignitate dimouendos esse. Quod si depositionem expectauerint, alios in eorum loca episcopos substituendos; vti sacrosancta ecclesia, ad ordinem sibi convenientem redacta, secum ipsa consentiat, vinculo caritatis ab omnibus omnium gentium episcopis eadem dicendo, eademque mente & sententia in vnum cohærescendo, firme conseruato. Quare ista ad tuam reuerentiam scripsimus, ut intelligas decreta Concilii, quae te obseruantem optamus, per gratiam Christi tuas ecclesias tranquille legitimeque moderari.

***** ANNO CHRISTI 360 *****
C O N C I L I A B V L V M
A N T I O C H E N V M,

Quo ab Arianis Meletius episcopus Antiochenus sede deponitur.

Locus &
causa Con-
ciliabuli.

[*Conciliabulum Antiochenum.*] Hoc Conciliabulum habitum est Antiochiae anno Constantii, ut testatur in chronic. Hieronymus, 24. qui est Christi 360. Causa habiti Concilii ista fuit primaria, ut Acaciani & Ariani declararent Meletium Antiochenum episcopum sede sua iuste deiectum, eique Euzoium suae factionis sectarium impurissimum, æquissimo iudicio substitutum esse. Cum enim Me-